



-Direktor-

JP ELEKTROPRIVREDA BiH d.d. - Sarajevo,
Zavisno društvo Rudnik mrkog uglja "BREZA" d.o.o. - Breza



Broj: 01-OPK- 327 /18
Breza, 09. 01. 2018. godine

Na osnovu člana 69 stav (3) i člana 70 Zakona o javnim nabavkama ("Službeni glasnik BiH", broj: 39/14), člana 67. Statuta ZD RMU "Breza" d.o.o. Breza, broj: 01-SD-33/2016, Direktor JP Elektroprivreda BiH d.d. - Sarajevo, ZD RMU "Breza" d.o.o. - Breza na preporuku Komisije iz Zapisnika o pregledu i ocjeni ponuda broj 01-OPK-326 /18 od 09. 01. 2018.godine, donosi:

ODLUKU

o poništenju postupka nabavke

Član 1.

Poništava se otvoreni postupak javne nabavke broj 01-OPK-12523/17 od 18.10.2017. godine koji se odnosi na nabavku roba "**ČELIČNA LUČNA PODGRADA PREMA SPECIFIKACIJI**" iz dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka će se objaviti na internet stranici ZD RMU Breza u skladu sa članom 70. stav (6) Zakona o javnim nabavkama BiH.

Član 3.

Za realizaciju ove Odluke zadužuje se Služba za komercijalne poslove ZD RMU "Breza" d.o.o. Breza.

Član 4.

Ova Odluka stupa na snagu danom donošenja.

Obrazloženje

Ugovorni organ ZD RMU „Breza“ d.o.o. Breza pokrenuo je Otvoreni postupak nabavke broj 01-OPK-12523/17 za koji je objavljeno Obavještenje o nabavci broj 165-1-1-797-3-105/17. Komisija za javne nabavke imenovana Odlukom Direktora broj 01-OPK-12617/17 je u određenom roku pristupila otvaranju ponuda i konstatovala da su u određenom krajnjem roku dostavljene dvije (2) ponude, što je konstатовano u Zapisniku o zaprimanju ponuda broj: 01-OPK-14212/17 od 28.11.2017. godine. Komisija imenovana rješenjem broj 01-OPK-14973/17 je pristupila evaluaciji ponuda na zatvorenom sastanku i konstatovala da je u vrijeme pokretanja predmetnog postupka javne nabavke Ugovorni organ odredio da procijenjena vrijednost nabavke iznosi 981.000,00 KM bez uračunatog PDV-a, te prilikom određivanja iste nije imao saznanja o cijenama koje se kreću na tržištu, nego se vodio cijenama iz prethodnih Ugovora za istu nabavku. Prilikom evaluacije ponuda Komisija je došla do saznanja da su tržišne cijene za predmet nabavke niže u odnosu na one koje su ponuđene, te shodno tome Komisija je mišljenja da se ponuđene cijene ne bi trebale prihvatiti, imajući u vidu uštede koje bi Ugovorni organ ostvario da je imao saznanja o cijenama koje se kreću na tržištu, te imajući u vidu da je ZJN propisano da je cilj Ugovornog organa najefikasnije trošenje javnih sredstava, što se ne bi postiglo prihvatanjem ponuđenih cijena. Osim navedenog konstатовano je da je Ugovorni organ pogrešno procijenio količinu nabavke, jer se u vrijeme pripremnih radova izrade rudarskih prostorija ušlo u rasjednu zonu čime je konstатовano da je potrebno izraditi novi rudarski projekat kojim će se obuhvatiti promjene u izradi novih prostorija, što će dovesti do izmjene u stvarnim potrebama Ugovornog organa.

Iz navedenih razloga, a u skladu sa članom 69. stav (3) Zakona o javnim nabavkama, donesena je Odluka kao u dispozitivu.

Pravna pouka:

Protiv ove Odluke može se izjaviti žalba ZD RMU "Breza" d.o.o. Breza, u roku od 10 (deset) dana od dana prijema ove Odluke. Žalba se podnosi pismeno u najmanje 3 (tri) primjerka.

Dostaviti:
- Komercijalna služba
- Svim ponuđačima
- a/a



Direktor
Čamić Zaimović dipl.ing.rud.